

卷之十一

...

...

...

...

...

釋史卷十一

三代第一

禹平水土

大戴禮記顓頊產鯀鯀產文命是爲禹 鯀娶於有莘氏有莘

氏之子謂之女志氏產文命

世本鯀取有莘氏女謂之女志是生高密

史記夏禹名曰文命禹之父曰鯀鯀之父曰帝顓頊顓頊之父曰昌意昌意之父曰黃帝禹者黃帝之玄孫而帝顓頊之孫也禹之曾大父昌意及父鯀皆不得在帝位爲人臣

漢書伯禹帝系曰顓頊五世而生鯀鯀生禹

山海經黃帝生駱駝明駱駝生白馬白馬是爲鯀○史言顓

頊生鯀漢書言五世生鯀山海經謂黃帝駱駝明其說異也

吳越春秋鯀娶於有莘氏之女名曰女嬃年壯未孳嬃於砥山得薏苡而吞之意若爲人所感因而妊孕剖脅而產高密家於

西羌地曰石紐石紐在蜀西川也

隨巢子禹產於崑石
遁甲開山圖古有大禹女嫫十九代孫壽三百六十歲入九嶷山

仙飛去後三千六百歲堯理天下洪水既甚人民墊溺大禹念之乃化生於石紐山泉女秋暮汲水得石子如珠愛而吞之有娠十四月生子及長能知泉源代父鯀理洪水堯帝知其功如

古大禹知水源乃賜號禹

帝王世紀伯禹夏后氏姁姓也父鯀妻修已見流星貫昴夢接

意感又吞神珠薏苡胷拆而生禹於石坳虎鼻大口兩耳參漏

首戴鈎鈐胷有玉斗足文履已故名文命字高密身長九尺二

寸長於西羌西夷人也

宋符瑞志帝禹有夏氏母曰修已出行見流星貫昴夢按意感既而吞神珠修已胷剖而生禹於石紐長有聖

德長九尺九寸

尚書帝命期

禹自帝精以星感修已山行見流星意感粟然生姁或文禹○

禹母之名諸書不同

論衡禹母吞薏苡而生禹故夏姓曰姁

興利除害疏河決江

尚書帝命期有人大口兩耳參漏足

書帝曰咨四岳湯湯洪水方割蕩蕩懷山襄陵浩浩滔天下民

其咨有能俾乂僉曰於鯀哉帝曰吁咈哉方命圯族岳曰异哉

試可乃已帝曰往欽哉九載績用弗成

○前編堯六十一載洪水各四岳舉鯀傳又

史記常帝堯之時鴻水滔天浩浩懷山襄陵下民其憂堯求能治水者羣臣四嶽皆曰鯀可堯曰鯀爲人負命毀族不可四嶽曰等之未有賢於鯀者願帝試之於是堯聽四嶽用鯀治水九年而水不息功用不成於是帝堯乃求人更得舜舜登用攝行天子之政巡狩行視鯀之治水無狀乃殛鯀於羽山以死天下皆以舜之誅爲是

越絕書堯遭帝嚳之後亂洪水滔天堯使鯀治之九年弗能治堯七十年而得舜舜明知人情審於地形知鯀不能治數諫不去堯殛之羽山此之謂舜之時鯀不從令也

楚辭注鯀治水績用不成堯乃放殺之羽山飛鳥水蟲畏

銜而食之 堯長放鯀於羽山絕在不毛之地三年不含其罪

述異記堯使鯀治水不勝其

鯀治水九載無績鯀自沈於羽淵化為玄魚時揚鬚振鱗橫修波之上見者謂為禹羽淵與
河海通源也海民於羽山之中修立鯀廟四時以致祭祀常見玄魚與蛟龍跳躍而出觀者驚
而畏矣至舜命禹疏川奠岳濟巨海則龍鼉而為梁踰翠岑則神龍而為馭行
徧日月之墟惟不踐羽山之地歸藏鯀死三歲不腐剖之以吳刀化為黃龍

山海經洪水滔天鯀竊帝之息壤以堙洪水不待帝命帝令祝

融殺鯀于羽郊鯀復生禹帝乃命禹率布土定九州說文堯遭洪水民居水中高土

故曰九州

史記於是舜舉鯀子禹而使續鯀之業易林舜升大禹石夷之野徵詣王庭拜治水土禹為

人敏給克勤其德不違其仁可親其言可信聲為律身為度稱
以出疊疊穆穆為綱為紀禹乃遂與益后稷奉帝命命諸侯百
姓興人徒以傳土行山表木定高山大川禹傷先人父鯀功之
不成受誅乃勞身焦思居外十三年過家門不敢入薄衣食致
孝于鬼神卑宮室致費於溝洫陸行乘車水行乘船泥行乘橇

山行乘輦左準繩右規矩載四時以開九州通九道陂九澤度
九山令益予衆庶稻可種卑滋命后稷予衆庶難得之食食少
訓有餘相給以均諸侯

禹長地理水泉
九州得象圖故堯以爲司空

帝王世紀禹其父既放降在匹庶有聖德夢自洗於河而四嶽
師舉之舜進之堯堯命以爲司空繼鯀治水乃勞身涉勤不重
徑尺之璧而愛日之寸陰手足胼胝故世傳禹病偏枯足不相
過至今巫稱禹步是也

國言昔者姒氏治水土而巫步多禹
尚書大傳禹其跳其跳者蹠也

鹽鐵論禹蹙洪水身親其勞澤行路宿過門不入當此之時簪
墮不掇冠挂不顧

吳越春秋禹傷父功不成循江沂河盡濟甄淮乃勞身焦思以
行七年聞樂不聽過門不入冠挂不顧履遺不躡功未及成愁

然沈思

戶子古者龍門未開呂梁未鑿河出於孟門之上大湓逆流無有丘阜高陵盡皆滅之名曰鴻水禹於是疏河決江十年不闕其家手不爪脛不生毛生偏枯之病步不相過人曰禹步禹長頭烏喙面貌亦惡矣天下從而賢之好學而已

謂子兩袒女浣於白水之上者禹過之而趨曰

治天下奈何女曰股無股脛不生毛顏色裂凍手足胼胝何以至是也○今本無

呂氏春秋禹東至博木之地日出九津青羌之野攢樹之所摺天之山鳥谷青丘之鄉黑齒之國南至交趾孫樸續櫛之國丹粟漆樹沸水漂漂九陽之山羽人裸民之處不死之鄉西至三危之國巫山之下飲露吸氣之民積金之山共肱一臂三面之鄉北至人正之國夏海之窮衡山之上犬戎之國夸父之野禹

疆之所積石之山不有懈墮憂其黔首顏色黎黑竅藏不通步
不相過以求賢人欲盡地利至勞也得陶化益真窺橫革之交
五人佐禹故功績銘乎金石著於盤盂禹入裸國裸人衣出
因也

墨子禹治天下西爲西河漁竇以泄渠孫皇之水北爲防原派
注后之邸嗥池之竇酒爲底柱鑿爲龍門以利燕代胡貉與西
河之民東爲漏之陸防蓋諸之澤灑爲九澮以捷東土之水以
利冀州之民南爲江漢淮汝東流之注五湖之處以利荆楚越
與南夷之民

○疑有脫誤
楚辭注禹平治水土萬民
皆得耕種黑黍於藿蒲之地盡爲良田

淮南子舜之時共工振滔洪水以薄空桑龍門未開呂梁未發
江淮通流四海溟滓民皆上丘陵赴樹木舜乃使禹疏三江五

湖關伊闕導瀼澗平流溝陸流注東海鴻水漏九州乾萬民皆

寧其性

山海經共工之臣曰相柳氏九首以食於九山相柳之所抵厥爲澤谿禹殺相柳其血腥不可以樹五穀種禹厥之三仞三沮乃以爲衆帝之臺共工臣名曰相繇九

首蛇身自環食於九土其所歛所尼卽爲源澤不幸乃若百獸莫能處禹湮洪水殺相繇其血腥臭不可生穀其地多水不可居也禹湮之三仞三沮乃以爲池羣帝是因以爲臺○一事兩載之奇文變幻不厭疊出

禹沐浴靈雨櫛扶風決江疏河鑿龍門闢伊闕修彭

蠡之防乘四載隨山萊木平治水土定千八百國

河圖括地象禹所治四海內地東西二萬

八千里南北二萬六千里有君長之州州有九阻中土之文德及而不治
步自東極至于西極五億十選九千八百步豎亥右手把算左手指青丘北一曰禹令豎亥一曰五億十萬九千八百步
禹之時天下大水禹身執殳垂以爲民先別河而道

九岐鑿江而通九路辟五湖而定東海當此之時燒不暇潰濡

不給杞死陵者葬陵死澤者葬澤故節財薄葬簡服生焉

史記禹抑洪水十三年過家不入門陸行乘車水行載舟泥行

蹈毳山行卽橋以別九州隨山浚川任土作貢通九道陂九澤

度九山然河菑衍溢害中國也尤甚唯是爲務故道河自積石
歷龍門南到華陰東下砥柱及孟津維汭至于大邳於是禹以
爲河所從來者高水湍悍難以行平地數爲敗乃廝二渠以引
其河北載之高地過降水至于大陸播爲九河同爲逆河入于
勃海九川旣疏九澤旣灑諸夏安功施于三代

淮南子禹爲水以身
解於陽昞之河 圃

物志昔夏禹觀河見長人出身出曰吾河精豈河伯也 水經注禹治洪
水西至洮水之上見長人衣黑玉書 尚書中候禹觀於濁河而授綠字

吳越春秋乃案黃帝中經曆蓋聖人所記曰在於九山東南天
柱號曰宛委赤帝在闕其巖之巔承以文玉覆以盤石其書金
簡青玉爲字編以白銀皆瑑其文禹乃東巡登衡嶽血白馬以
祭不幸所求禹乃登山仰天而嘯因夢見赤繡衣男子自稱玄
夷蒼水使者聞帝使文命於斯故來候之非歟歲月將告以期

無爲戲吟故倚歌覆釜之山東顧謂禹曰欲得我山神書者齋
於黃帝巖嶽之下三月庚子登山發石金簡之書存矣禹退又
齋三月庚子登宛委山發金簡之書案金簡玉字得通水之理
復返歸嶽乘四載以行川始於霍山徊集五嶽

峒嶠碑文

峒嶠碑文

峒嶠碑文

欽定四庫全書
山海經

卷之四

釋文承帝曰嗟翺輔佐卿洲渚

與登易畢之門參身宏流而明發幽興久旅志家宿賦龍庭智營形析心固弗辰往來平定攀
嶽太衡宗疏事哀勞餘仲禮鬱塞昏徙南濱衍亨衣制食備萬國其寧甯舞永奔○按衡山記
云夏禹導水通瀆刻石書名山之嶺
湘中記衡山有玉牒禹表其文治水遙望衡山如渾雲
添湘下里九向九背迺不復見
荆州記禹登南嶽而祭之獲金簡玉字之書曰祝融司方發
其英沐日浴月百寶生
古今樂錄襄陵操禹治洪水上會稽山嶺而作此歌曰嗚呼洪水滔
天下民愁悲上帝愈吝三過吾門不入父子道衰嗟嗟不欲煩下民
通甲關山圖禹開委宛
山得赤珪如日碧珪如月長一尺二寸○宛委在會稽一名玉
笥山按禹未嘗兩至會稽其至越會計非治水時也蓋傳疑矣

吳越春秋遂巡行四瀆與益夔共謀行到名山大澤召其神而

問之山川脈理金玉所有鳥獸昆蟲之類及八方之民俗殊國

異域土地里數使益疏而記之故名之曰山海經

論衡禹益並治洪水禹主治水益主記異

物海外山表無遠不至以所聞見作山海經非禹益行遠山海不造然則山海之造見物博也

使太章步東西豎亥度南北

暘八極之廣旋天地之數於是周行寓內東造絕迹西延積石

南踰赤岸北過寒谷徧崑崙察六扈脈地理名金石寫流沙於

西隅決弱水於北漢青泉赤淵分入洞穴通江東流至於碣石

疏九河於潛淵開五水於東北鑿龍門闢伊闕平易相土觀地

分州殊方各進有所納貢民去崎嶇歸於中國

淮南子天下大雨禹令民聚土積薪擇丘陵而

處之

呂氏春秋禹周於天下以求賢者事利黔首水潦川澤

之湛滯壅塞可通者禹盡爲之

禹通三江五湖決伊闕瀦迴陸注之東海因水之力也

古岳瀆經禹治水三至桐柏山驚風

迅雷石號木鳴五伯擁川天老肅其不能興禹怒召集百靈授命夔龍桐柏千君長稽首請命

禹因囚淩冢氏而章氏兜氏盧氏犇婁氏乃獲淮渦水神名巫支祈善應對言語辨江淮之淺

深原隰之遠近形若獼猴縮鼻高額青軀白首金目雪牙頰伸百尺力踰九象搏擊騰踔疾奔

輒利倏忽間視不可久禹乃授之童律不能制授之烏木田不能制授之庚辰能制鳴脾桓胡

水魅山靈木妖石怪奔號叢繞以幾千數庚辰持戟逐去頸鎖大索鼻穿金鈴徒之淮陽之龜

山足下淮水安流○岳瀆經惜逸亡不多見據此文亦奇矣集仙錄云禹見雲華夫人其後鑲

淮渦之神無支祗於龜山也

拾遺記禹鑿龍關之山亦謂之龍門至一空巖深數十里幽暗

不可復行禹乃負火而進有獸狀如豕銜夜明之珠其光如燭又有青犬行吠於前禹計可十

里遂於晝夜既覺漸明見何來豕犬變為人形皆著玄衣又見一神蛇身人面禹因與語神即示禹八卦之圖列於金板之上又有八神侍側禹曰華胥生聖子是汝邪答曰華胥是九河神女以生余也乃探玉簡授禹長一尺二寸以合十二時之數使量度天地禹即執持此簡以平定水土蛇身之神即羲皇也○今本

淮南子禹南省方濟於江黃龍負舟舟中之人五色無主禹乃

熙然而稱曰我受命於天竭力而勞萬民生寄也死歸也何足

以滑和視龍猶蝦蟇顏色不變龍乃弭耳掉尾而逃抱朴子禹乘二龍郭支為馭

楚辭注禹治洪水時有神龍以尾書導水徑所當決者因而治之拾遺記禹盡力溝洫導川

夷岳黃龍曳尾於前玄龜負青泥於後玄龜河精之使者也龜領下有印文皆古篆字作九州

山川之字禹所穿鑿之處皆以青泥封記其所使玄龜印其上禮舍文嘉禹卑宮室垂意於

溝洫百穀用成神龍至靈龜服玉女敬養天賜宋符瑞志玉女天賜妾也拾遺記南潯之

國有洞穴陰源其下通地脈中有毛龍時蛻骨於曠澤之中魚龍同穴而處其國獻毛龍一

雌一雄放置豢龍之宮至夏代養龍不絕因以命族禹導川乘此龍及四海攸同反放河汭

書禹敷土隨山刊木奠高山大川冀州既載壺口治梁及岐既

修太原至于岳陽覃懷底績至于衡漳厥土惟白壤厥賦惟上

上錯厥田惟中中恒衛既從大陸既作島夷皮服夾石碣石入

畢已
卷二
七

十河濟河惟兗州九河旣道雷夏旣澤灘沮會同桑土旣蠶是
降丘宅土厥土黑墳厥草惟繇厥木惟條厥田惟中下厥賦貞
作十有三載乃同厥貢漆絲厥篚織文浮于濟漯達于河海岱
惟青州嵎夷旣略維淄其道厥土白墳海濱廣斥厥田惟上下
厥賦中上厥貢鹽絺海物惟錯岱畎絲枲鉛松怪石萊夷作牧
厥篚檠絲浮于汶達于濟海岱及淮惟徐州淮沂其乂蒙羽其
藝大野旣豬東原底平厥土赤埴墳草木漸包厥田惟上中厥
賦中中厥貢惟土五色羽畎夏翟嶧陽孤桐泗濱浮磬淮夷蠙
珠暨魚厥篚玄纈編浮于淮泗達于河淮海惟揚州彭蠡旣豬
陽島攸居三江旣入震澤底定篠簜旣敷厥草惟夭厥木惟喬
厥土惟塗泥厥田惟下下厥賦下上上錯厥貢惟金三品瑤琨

篠簜齒革羽毛惟木島夷卉服厥篚織貝厥包橘柚錫貢沿于
江海達于淮泗荆及衡陽惟荊州江漢朝宗于海九江孔殷沱
潛旣道雲土夢作又厥土惟塗泥厥田惟下中厥賦上下厥貢
羽毛齒革惟金三品柶栝栢礪砥斨丹惟篋輅栝三邦底貢
厥名包匭菁茅厥篚玄纁璣組九江納錫大龜浮于江沱潛漢
逾于洛至于南河荆河惟豫州伊洛潭淵旣入于河滎波旣豬
導荷澤被孟諸厥土惟壤下土墳壚厥田惟中上厥賦錯上中
厥貢漆枲絺紵厥篚織纊錫貢磬錯浮于洛達于河華陽黑水
惟梁州岷嶓旣藝沱潛旣道蔡蒙旅平和夷底績厥土青黎厥
田惟下上厥賦下中三錯厥貢璆鐵銀鏤若磬熊羆狐狸織皮
西傾因桓是來浮于潛逾于沔入于渭亂于河黑水西河惟雍

州弱水既西涇屬渭汭漆沮既從豐水攸同荆岐既旅終南惇
物至于鳥鼠原隰底績至于豬野三危既宅三苗丕敘厥土惟
黃壤厥田惟上上厥賦中下厥貢球琳琅玕浮于積石至于龍
門西河會于渭汭織皮毳毼析支渠搜西戎卽敘導岍及岐至
于荆山逾于河壺口雷首至于太岳底柱析城至于王屋太行
恒山至于碣石入于海西傾朱圉鳥鼠至于太華熊耳外方桐
栢至于陪尾導嶓冢至于荆山內方至于大別岷山之陽至于
衡山過九江至于敷淺原導弱水至于合黎餘波入于流沙導
黑水至于三危入于南海導河積石至于龍門南至于華陰東
至于厓柱又東至于孟津東過汭汭至于大伾北過泝水至于
大陸又北播爲九河同爲逆河入于海嶧冢導漾東流爲漢又